

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-18/11
Vareš, 27.01. 2011. godine

Z A P I S N I K
*s 24. sjednice Općinskog vijeća Vareš,
održane 29.12. 2010. godine*

Milan Knežević – zamjenik predsjedavajućeg Općinskog vijeća Vareš, otvorio je 24. sjednicu s početkom u 9,15 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, šef odsjeka za financije i računovodstvo Boro Anđić, predsjednici političkih stranaka, poslanik Skupštine ZE-DO kantona Fahrudin Brkić, direktor JP JKP d.o.o. Vareš Zafer Kamenjaš i predsjednik MZ Vareš Enver Fetišević.

Tajnik Općinskog vijeća izvijestio je Vijeće o realizaciji Zaključaka s 23. sjednice OV održane dana 29.11.2010. godine i dostavljenim odgovorima na vijećnička pitanja. Općinsko vijeće na 23. sjednici donijelo je 11 Zaključaka. Od tog broja 5 Zaključaka je realizirano, a 6 Zaključaka su u toku realizacije, jer nisu vremenski precizirani. Na istoj sjednici postavljeno je jedno vijećničko pitanje na koje je nadležna služba dostavila pismeni odgovor podnosiocu pitanja.

Općinski načelnik Hamdo Fatić o aktualnoj problematici na području općine Vareš upoznao je prisutne da su provedene procedure i da je potpisan ugovor za vodovod Neprivaj u iznosu od 95.000 KM (sredstva dobivena od Kantonalnog ministarstva poljoprivrede, šumarstva i vodoprivrede). Izvođač radova je izabran i kad vremenske prilike dozvole, počinje se sa realizacijom projekta. Također je upoznao prisutne da je urađen i pušten most u Hodžićima MZ Dabravine, vrijednost projekta je 43.000 KM. Do sada je sredstva JKP d.o.o. Vareš financirala Općina Vareš, ali ima mogućnosti da će u toku iduće godine Općina Vareš dio sredstava za ovaj most dobiti od Kantonalnog ili Federalnog ministarstva poljoprivrede, šumarstva i vodoprivrede.

Podsjetio je na zaključak OV da općinski načelnik ima obavezu izvijesti OV o realizaciji, odnosno nerealiziranju zaključaka sa prošle sjednice i u vezi s tim upoznao je

Vijeće da su svi zaključci sa prošle sjednice OV realizirani i da je obavljen razgovor od strane općinskog načelnika i predsjedavajućeg OV sa menadžmentom JU „Dom zdravlja“ Vareš i Upravnim odborom JU u vezi slučaja koji se desio u Službi hitne pomoći. Sada se čeka pismeni odgovor od strane direktora i Upravnog odbora JU „Dom zdravlja“ Vareš. Obavljen je i razgovor sa Komandirrom Policijske stanice Vareš u vezi kriminalnih radnji tj. krađa koje su se dešavale na području općine Vareš. Odgovor koji su predstavnici Općine Vareš dobili bio je „da policija radi svoj posao“.

Zamjenik predsjedavajućeg OV pozvao je vijećnike koji su dobili odgovor na postavljeno vijećničko pitanje, ili nisu dobili odgovor, da se izjasne da li imaju primjedbi.

Nije bilo primjedbi od strane vijećnika.

(V i j e ć n i č k a p i t a n j a)

Elvir Rožajac

1. Traži od Policijske stanice Vareš da policijske patrole u noćnim satima češće obilaze rubna područja mjesnih zajednica općine Vareš, jer su učestale provale u kuće, napominje skorašnje provale i paljenje auta u MZ Ravne.

Tajiba Brkić

2. Traži od općinskog načelnika da se na kritična mjesta lokalnih cesta općine Vareš doveze posipni materijal, jer prilikom kišnog perioda dolazi do zaleđivanja cesta i zastoja saobraćaja.

Ismet Abdulahović

3. Građani MZ Dabravine pokrenuli su postupak kod nadležne općinske Službe u vezi prostora u greblju u MZ Dabravine. U ime građana MZ Dabravine, traži od općinskog načelnika da poduzme sve potrebne mjere iz svoje nadležnosti u hitnom rješavanju problema , odnosno imovinsko-pravnih odnosa.

Jelena Zlobec

4. Ponovo postavlja pitanje u vezi naplate naknade za priključno mjesto i traži od općinskog načelnika pismeno očitovanje da li je povučena suglasnost od strane općinskog načelnika za naplatu spomenute naknade.
5. U ime mještana sela Daštansko općina Vareš, traži od općinskog načelnika da kod održavanja lokalnih cesta ima u vidu i lokalni put sela Daštansko.

Vijećnik Džemo Kevrić je predložio da se u dijelu „Vijećnička pitanja“ doda i „inicijative vijećnika“.

Zamjenik predsjedavajućeg OV stavio je na raspravu zapisnik sa 23. sjednice OV.

Nije bilo primjedbi i zamjenik predsjedavajućeg OV stavio je na izjašnjanje zapisnik sa 23. sjednice OV i nakon izjašnjanja vijećnika konstatirao da je **zapisnik sa 23. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 24. sjednicu OV.

Vijećnik Džemo Kevrić je predložio da se točka 8. Prijedlog Odluke o utvrđivanju cijena komunalnih usluga i visine naknade za priključno mjesto, skine sa dnevnog reda 24. sjednice OV. O tome je dao i obrazloženje.

Vođenje 24. sjednice preuzeo je predsjedavajući OV Josip Malbašić.

U raspravi je učestvovao i vijećnik Ivan Lučić

Zaključena je rasprava predsjedavajući OV je stavio na glasanje prijedlog vijećnika Džeme Kevrić .

Nakon izjašnjavanja vijećnika konstatuje da predloženi **prijedlog, sa 4 glasa „ZA“, 9 glasova „PROTIV“ i 7 „SUZDRŽANIH“ glasova nije usvojen.**

Predsjedavajući OV stavio je na izjašnjavanje prijedlog dnevnog reda iz poziva za 24. sjednicu OV i nakon izjašnjavanja vijećnika konstatira da je **sa 16 glasova „ZA“ i 4 glasa „PROTIV“ usvojen s l i j e d e ć i**

D n e v n i r e d

1. **Prijedlog budžeta/proračuna Općine Vareš za 2011. godinu.**
2. **Prijedlog Odluke o izvršenju budžeta/proračuna Općine Vareš za 2011. godinu.**
3. **Prijedlog Odluke o privremenom finansiranju Općine Vareš za 2011. godinu.**
4. **Prijedlog Odluke o visini naknade članovima OIK Vareš.**
5. **Prijedlog Odluke o izmjenama i dopunama Odluke o javnom redu i miru.**
6. **Prijedlog Odluke o izmjeni i dopuni Odluke o naknadama vijećnika i članova radnih tijela Općinskog vijeća Vareš.**
7. **Prijedlog Odluke o organiziranju općinskih službi za upravu Općine Vareš i Stručne službe Općinskog vijeća i Općinskog načelnika.**
8. **Prijedlog Odluke o utvrđivanju cijena komunalnih usluga i visine naknade za priključno mjesto.**
9. **Prijedlog Rješenja o pravu vlasništva zemljišta u korist Općine Vareš, a na kojem je izgrađen dom kulture u selu Dragovići.**
10. **Prijedlog Programa rada Općinskog vijeća Vareš za 2011. godinu.**
11. **Informacija o stanju lokalne i regionalne putne mreže na području općine Vareš.**
12. **Informacija o realizaciji Programa kapitalnih ulaganja na području općine Vareš u 2010. godini.**
13. **Izvještaj o nerealiziranim Zaključcima i inicijativama donesenih na sjednicama OV Vareš u 2009. i 2010. godini.**
14. **Tekuća pitanja.**

Ad. 1.

(Prijedlog budžeta/proračuna Općine Vareš za 2011. godinu.)

Komisija za gospodarstvo, financije i proračun je na 11. sjednici održanoj dana 23.12. 2010. godine sa **3 glasa „ZA“ i 1 „SUZDRŽANIM“** glasom **prihvatila** Prijedlog budžeta/ proračuna Općine Vareš za 2011. godinu uz

Z a k l j u č a k:

- **Komisija za gospodarstvo, financije i proračun prihvata Prijedlog budžeta/proračuna Općine Vareš za 2011. godinu kao i prijedlog općinskog načelnika da se prihodi kao i rashodi povećaju za 50.000 KM i uz izmjenu na stavci 531100 „Rezerve“, o čemu će Općinski načelnik u pismenom obliku upoznati Općinsko vijeće, i dati preciznije pojašnjenje.**

Također se prihvata Program mjera za poboljšanje naplate općinskih prihoda datih od općinskog načelnika, koji je dat uz Prijedlog budžeta/proračuna.

Hamdo Fatić kao predlagač, upoznao je prisutne sa dvije izmjene u Prijedlogu budžeta Općine Vareš za 2011. godinu koje će biti sastavni dio Prijedloga.

Boro Anđić, ispred predlagača dao je obrazloženje za ovu točku dnevnog reda.

Otvorena je rasprava u kojoj su učestvovali vijećnici: Džemo Kevrić, Elvir Rožajac, Jasmin Salketić, Ivan Lučić, Dženana Bešić, Mato Pavić, predsjedavajući OV Josip Malbašić, općinski načelnik Hamdo Fatić i Boro Anđić šef Odsjeka za računovodstvo.

Vijećnik Ivan Lučić predložio je amandmane na Program mjera za poboljšanje naplate općinskih prihoda koji se odnose na određivanje rokova za realizaciju predloženih dijelova Programa.

Općinski načelnik izjasnio se o predloženim amandmanima, prihvatio je predložene amandmane s tim da se rok kod prvog amandmana produži zbog vremena potrebnog za provođenje zakonske procedure.

Predsjedavajući OV je konstatirao da su prihvaćeni amandmani postali sastavni dio Programa mjera, a to su:

- **iza 2. stavka dodaje se 3. stavak koji glasi „ da se do 01.03.2011. godine raspíše javni poziv za izradu urbanističkog plana“,**

- **da se doda stavak 6. koji glasi „ da se do kraja I kvartala 2011. godine dostave rješenja obveznicima za naknade korištenja građevinskog zemljišta, komunalne naknade, zakupnine zemljišta po ugovoru o zakupu i protiv požarne zaštite“.**

Zaključena je rasprava predsjedavajući OV stavio je na glasanje Prijedlog proračuna/budžeta općine Vareš za 2011. godinu i Prijedlog programa mjera za poboljšanje naplate općinskih prihoda.

Nakon izjašnjenja vijećnika predsjedavajući OV konstatira da je sa **17 glasova „ZA“ i 4 glasa „PROTIV“ usvojen**

Budžet/proračun Općine Vareš

za 2011. godinu

i

Programa mjera za poboljšanje naplate općinskih prihoda kao sastavni dio Budžeta/proračuna općine Vareš za 2011. godinu.

Ad. 2.

*(Prijedlog Odluke o izvršenju budžeta/proračuna
Općine Vareš za 2011. godinu.)*

Komisija za gospodarstvo, financije i proračun nije imala primjedbi na Prijedlog Odluke o izvršenju budžeta/proračuna Općine Vareš za 2011. godinu.

Predlagač nije imao dodatna obrazloženja.

Otvorena je rasprava u kojoj su učestvovali vijećnici: Ivan Lučić i Džemo Kevrić.

Zaključena je rasprava i predsjedavajući OV stavio je na glasanje Prijedlog Odluke o izvršenju budžeta/proračuna Općine Vareš za 2011. godinu.

Nakon izjašnjavanja vijećnika predsjedavajući OV konstatira da je sa **17 glasova „ZA“ i 4 glasa „PROTIV“ usvojena**

***Odluka o izvršenju budžeta/proračuna
Općine Vareš za 2011. godinu.***

Ad. 3.

*(Prijedlog Odluke o privremenom financiranju
Općine Vareš za 2011. godinu.)*

Predlagač Hamdo Fatič povukao je ovu točku dnevnog reda, jer je usvojen Budžet/proračun Općine Vareš za 2011. godinu.

Predsjedavajući OV je konstatirao da je na zahtjev predlagača povučena ova točka dnevnog reda.

Ad. 4.

*(Prijedlog Odluke o visini naknade
članovima OIK Vareš.)*

Komisija za statutarna pitanja i propise nije imala primjedbi na Prijedlog Odluke o visini naknade članovima OIK Vareš.

Otvorena je rasprava u kojoj je učestvovao vijećnik Elvir Rožajac.

Zaključena je rasprava i predsjedavajući OV stavio je na glasanje Prijedlog Odluke o visini naknade članovima OIK Vareš.

Nakon izjašnjavanja vijećnika predsjedavajući OV konstatira da je **jednoglasno usvojena**

***Odluka o visini naknade
članovima OIK Vareš.***

Ad. 5.

*(Prijedlog Odluke o izmjenama i dopunama
Odluke o javnom redu i miru.)*

Komisija za statutarna pitanja i propise nije imala primjedbi na Prijedlog Odluke o izmjenama i dopunama Odluke o javnom redu i miru.

Predlagač nije imao dodatna obrazloženja.

Otvorena je rasprava u kojoj je učestvovao vijećnik Ivan Lučić i u ime Kluba vijećnika SDP predložio

Zaključak:

- da se do kraja veljače 2011. godine pripremi Prijedlog Odluke o izmjeni Odluke o obaveznom radnom vremenu ugostiteljskih, trgovinskih i zanatskih djelatnosti.

Zaključena je rasprava i predsjedavajući OV je stavio na glasanje Prijedlog Odluke o izmjenama i dopunama Odluke o javnom redu i miru.

Nakon izjašnjavanja vijećnika predsjedavajući OV konstatira da je **jednoglasno usvojena**

Odluka o izmjenama dopunama Odluke o javnom redu i miru

Predsjedavajući OV stavio je na glasanje predloženi Zaključak Kluba vijećnika SDP, te nakon izjašnjavanja vijećnika konstatira da je predloženi **Zaključak jednoglasno usvojen.**

Ad. 6.

*(Prijedlog Odluke o izmjeni i dopuni Odluke o naknadama
vijećnika i članova radnih tijela Općinskog vijeća Vareš.)*

Komisija za statutarna pitanja i propise nije imala primjedbi na Prijedlog Odluke o izmjenama i dopunama Odluke o naknadama vijećnika i članova radnih tijela Općinskog vijeća Vareš.

Otvorena je rasprava u kojoj su učestvovali vijećnici: Elvir Rožajac i Džemo Kevrić.

Zaključena je rasprava i predsjedavajući OV stavio je na glasanje Prijedlog Odluke o izmjenama i dopunama Odluke o naknadama vijećnika i članova radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatira da je sa **16 glasova „ZA“, 4 glasa „PROTIV“ i 1 „SUZDRŽANIM“ glasom usvojena.**

Odluka o izmjeni Odluke o naknadama vijećnika i članova radnih tijela Općinskog vijeća Vareš

Ad. 7.

*(Prijedlog Odluke o organiziranju općinskih službi za upravu
Općine Vareš i Stručne službe Općinskog vijeća i Općinskog načelnika.)*

Predlagač nije imao dodatno obrazloženje.

Otvorena je rasprava u kojoj su učestvovali vijećnici: Ivan Lučić, Dženana Bešić, Čedomir Jelić i predsjedavajući OV Josip Malbašić.

Vijećnik Ivan Lučić je predložio amandmane:

1. u članku 1. treći red stoji „Općine Vareš (u daljem tekstu: Općina)“ i uvezi s tim da se iz daljeg teksta na svakom mjestu briše riječ „Vareš“.
2. da se u članku 2. točka 17. između riječi „mira, sigurnosti“ doda riječ „kriminaliteta“
3. da se u članku 2. doda točka 31. koja glasi „obavlja i druge poslove iz nadležnosti u skladu sa Zakonom“.
4. da se u članku 3. doda posljednja alineja koja glasi: „kod zapošljavanja novih radnika obvezno vodi računa o nacionalnoj zastupljenosti po popisu iz 1991. godine“

Vijećnik Ivan Lučić traži objašnjenje članka 4. Odluke.

Čedomir Jelić ispred predlagača dao je objašnjenja i izjasnio se o predloženim amandmanima.

Amandmani po rednim brojem 1., 2. i 3. su prihvaćeni, za **amandman pod rednim brojem 4. predlaže da glasi „kod zapošljavanja novih radnika obvezno voditi brigu o nacionalnoj i spolnoj zastupljenosti, sukladno sa važećim zakonskim propisima“.**

Vijećnik Ivan Lučić je prihvatio predloženu izmjenu amandmana pod rednim brojem 4., ali napominje da nije zadovoljan objašnjenjem za članak 4. Odluke.

Predsjedavajući OV je konstatirao da su predloženi amandmani sastavni dio Prijedloga Odluke i stavio je na glasanje Prijedlog Odluke o organiziranju općinskih službi za upravu Općine Vareš i Stručne službe Općinskog vijeća i Općinskog načelnika.

Nakon izjašnjavanja vijećnika konstatira da je **jednoglasno usvojena**

***Odluka o organiziranju općinskih službi za upravu
Općine Vareš i Stručne službe Općinskog vijeća
Vareš i Općinskog načelnika***

Ad. 8.

*(Prijedlog Odluke o utvrđivanju cijena komunalnih
usluga i visine naknade za priključno mjesto.)*

Komisija za statutarna pitanja i propise nije imala primjedbi na Prijedlog Odluke o utvrđivanju cijena komunalnih usluga i visine naknade za priključno mjesto.

Predlagač nije imao dodatno obrazloženje.

Otvorena je rasprava u kojoj su učestvovali vijećnici: Ismet Abdulahović, Elvir Rožajac, Ivan Lučić, Jasmin Salketić, Džemo Kevrić, Dženana Bešić, Jelena Zlobec, Kenan Kamenjaš, Tajiba Brkić i predsjedavajući OV Josip Malbašić.

Zafer Kamenjaš, predstavnik JKP d.o.o. Vareš, kao predlagač dao je objašnjenje, odgovorio na pitanja vijećnika iz rasprave i prihvatio predloženi **amandman vijećnika Ivana Lučića:**

- da se u članku 4. Odluke, u prvom redu iza riječi „za“ doda riječ „jedno“ i u trećem redu briše riječ „mjesta“, a doda riječ „instrumentska“.

Zaključena je rasprava i predsjedavajući OV je konstatirao da je predloženi amandman postao sastavni dio Prijedloga Odluke, i stavio je na glasanje Prijedlog Odluke o utvrđivanju cijena komunalnih usluga i visine naknade za priključno mjesto, uz napomenu da ukoliko Prijedlog Odluke bude usvojen, svi vijećnici koji smatraju da je predložena cijena vode neadekvatna, imaju poslovničku mogućnost da uz obrazloženje traže izmjenu ove Odluke.

Nakon izjašnjavanja vijećnika predsjedavajući OV konstatira da je sa **15 glasova „ZA“, 5 glasova „PROTIV“ i 1 „SUZDRŽANIM“ glasom usvojena**

Odluka o utvrđivanju cijena komunalnih usluga i visine naknade za priključno mjesto

Ad. 9.

(Prijedlog Rješenja o pravu vlasništava zemljišta u korist Općine Vareš, a na kojem je izgrađen dom kulture u selu Dragovići.)

Predlagač nije imao dodatno obrazloženje.

Po ovoj točki dnevnog reda nije bilo rasprave i predsjedavajući OV stavio je na glasanje Prijedlog Rješenja o pravu vlasništva zemljišta u korist Općine Vareš, a na kojem je izgrađen dom kulture u selu Dragovići.

Nakon izjašnjavanja vijećnika predsjedavajući OV konstatira da je **jednoglasno usvojeno**

Rješenje o pravu vlasništva zemljišta u korist Općine Vareš, a na kojem je izgrađen dom kulture u selu Dragovići

A.d. 10.

(Prijedlog Programa rada Općinskog Vijeća Vareš za 2011. godinu.)

Tajnik OV Leon Pavlović obrazložio je ovu točku dnevnog reda.

Otvorena je rasprava u kojoj su učestvovali vijećnik: Ivan Lučić, pom. načelnika Ermin Musa, sekretar OV Leon Pavlović i predsjedavajući OV Josip Malbašić.

Ermin Musa predložio je da se navedeni rok u točki 5. Prijedloga dopune Programa rada OV za 2011. godinu, Strategija razvoja lokalnih cesta i ulica u gradu i naseljima, pomjeri za mjesec oktobar 2011. godine, a da se točka 6. Izvještaj o ostvarivanju dugoročnih ciljeva razvoja cestovne infrastrukture i izvršenju Programa održavanja zaštite, rekonstrukcije, izgradnje i obnove javnih cesta, ne planira u 2011. godini, jer po Zakonu o cestama prvo je potrebno donijeti srednjoročni i godišnji Program.

Isto tako pod točkom 7., kod nositelja pripreme sjednice navedeni su „Općinski načelnik, Radna grupa i Savjetodavni odbor LEAP-a“, smatra da je to greška, jer su Radna grupa i Savjetodavni odbor LEAP-a bili formirani samo do izrade Lokalnog ekološkog akcijskog plana i da je od strane općinskog načelnika formiran Odbor za implementaciju LEAP-a.

Predlaže da se kod **nositelja pripreme sjednice navede „Općinski načelnik i Odbor za implementaciju LEAP-a.**

Smatra da se planirana Tematska sjednica OV, posvećena pitanjima zaštite okoline i provođenja Lokalnog ekološkog akcijskog/akcionog plana za općinu Vareš, može razmatrati kao informacija na redovnoj sjednici OV.

Vijećnik Ivan Lučić je podsjetio prisutne na dio Poslovnika o radu OV Vareš u kome je navedeno da je obaveza Općinskog načelnika da u januaru mjesecu kalendarske godine, Vijeću ponudi na usvajanje Program rada za tekuću godinu, i u tom pravcu predložiti će izmjene akata Općine.

Tajnik OV Leon Pavlović prihvatio je prijedlog Ermina Muse, u vezi izmjene navedenih nositelja izrade u točki 7. dopune prijedloga Programa rada OV za 2011. godinu, naglašavajući da je u Lokalnom ekološkom akcionom planu navedena obaveza Općinskog vijeća da godišnje razmatra provedbu LEAP-a, tj. da se održi Tematska sjednica OV posvećena ovoj tematici.

Predsjedavajući OV je konstatirao da spomenute točke 5., 6. i 7. Prijedloga dopune ostaju sastavni dio Prijedloga Programa rada OV za 2011. godinu.

Zaključena je rasprava i predsjedavajući OV stavio je na glasanje Prijedlog Programa rada Općinskog vijeća za 2011. godinu.

Nakon izjašnjavanja vijećnika konstatira da je **jednoglasno usvojen**

***Program rada Općinskog vijeća
Vareš za 2011. godinu***

A.d. 11.

(Informacija o stanju lokalne i regionalne putne mreže na području općine Vareš)

Otvorena je rasprava u kojoj su učestvovali vijećnici: Elvir Rožajac, Milan Knežević, Nikola Šimić, Džemo Kevrić, Tajiba Brkić, Bešić Dženana, Mato Pavić.

Ispred predlagača Ermin Musa, odgovorio je na iznesene primjedbe vijećnika u raspravi.

Zaključena je rasprava i predsjedavajući OV stavio je na glasanje Informaciju o stanju lokalne i regionalne putne mreže na području općine Vareš.

Nakon izjašnjavanja vijećnika konstatira da je sa **19 glasova „ZA“ i 1 glasom „PROTIV“ usvojena**

***Informacija o stanju lokalne i regionalne
putne mreže na području općine Vareš***

A.d. 12

(Informacija o realizaciji Programa kapitalnih ulaganja na području općine Vareš u 2010. godini)

Po ovoj tački dnevnog reda nije bilo rasprave i predsjedavajući OV stavio je na glasanje Informaciju o realizaciji Programa kapitalnih ulaganja na području općine Vareš u 2010. godini.

Nakon izjašnjavanja vijećnika predsjedavajući OV konstatira da je sa **19 glasova „ZA“ i 1 „SUZDRŽANIM“ glasom usvojena**

Informacija o realizaciji Programa kapitalnih ulaganja na području općine Vareš u 2010. godini

A.d.13.

(Izveštaj o nerealiziranim Zaključcima i Inicijativama donesenih na sjednicama OV u 2009. i 2010. godini)

Tajnik OV Leon Pavlović dao je obrazloženje za ovu točku dnevnog reda.

Otvorena je rasprava u kojoj su učestvovali vijećnici: Ivan Lučić, Elvir Rožajac, Mato Pavić, Dženana Bešić, predsjedavajući OV Josip Malbašić i pom. načelnika Rusmir Berberović.

Zaključena je rasprava i predsjedavajući OV stavio je na glasanje prijedlog

Zaključaka:

- 1. Da Stručna služba Općinskog vijeća i Općinskog načelnika svaka tri mjeseca pismeno dostavlja Izveštaj Općinskom vijeću o realizaciji Zaključaka, Inicijativa i Preporuka.**
- 2. Da nadležni organi Općine Vareš koji su Zaključcima OV zaduženi za realiziranje Zaključaka, jednu kopiju akta o realiziranju dostave Stručnoj službi Općinskog vijeća i Općinskog načelnika.**
- 3. Da Kolegij OV u skladu sa članom 29. točka e). Poslovnika o radu OV Vareš, sistematično prati realiziranje Zaključaka OV, za razliku od dosadašnjeg povremenog praćenja.**

Nakon izjašnjavanja vijećnika predsjedavajući OV konstatira da su predloženi Zaključci **jednoglasno usvojeni.**

A.d. 14.

(Tekuća pitanja)

1. Predsjedavajući OV izvijestio je Vijeće da je od strane Komisije za odabir korisnika projekata povratka i rekonstrukcije stambenih jedinica, upućena Inicijativa prema Općinskom vijeću u vezi donošenja odluke, kojom će biti definiran popis ratom oštećenih, a obnovljenih stambenih jedinica po Mjesnim zajednicama općine Vareš.

Predsjedavajući OV je upoznao prisutne sa sadržajem dopisa.

Otvorena je rasprava u kojoj je Nikola Šimić kao predsjednik Komisije dao dodatno obrazloženje.

U raspravi su učestvovali i vijećnici: Dženana Bešić, Mato Pavić, Željko Matić, Jelena Zlobec, Elvir Rožajac, predsjedavajući OV Josip Malbašić, općinski načelnik Hamdo Fatić i pomoćnik načelnika Rusmir Berberović.

Zaključena je rasprava i predsjedavajući OV stavio je na glasanje prijedlog

Zaključka:

- 1. Zadužuje se općinski načelnik i nadležna Služba da u roku od mjesec dana u suradnji sa općinskom Komisijom za odabir korisnika projekata povratka i rekonstrukcije stambenih jedinica, izvrše analizu državne strategije povratka i izrade program koji će omogućiti što većem broju potencijalnih povratnika i korisnika da obnove svoje stambene jedinice.**

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

Za riječ se javio Fahrudin Brkić poslanik Skupštine ZE-DO kantona koji je prisutne izvijestio o radu drugog nastavka konstitutivne sjednice Skupštine ZE-DO kantona, koja je održana 28.12.2010. godine.

Upoznao prisutne da će on kao zastupnik postaviti pitanja na Skupštini ZE-DO kantona u vezi učestalih krađa koje su se dešavale i stanja regionalnih cesta, na općini Vareš.

Također je naglasio da će od Ministarstva za prostorno uređenje, promet, komunikacije i zaštitu okoline ZE-DO kantona, tražiti da dostave Izvještaj o tome što je u protekle dvije godine urađeno na sanaciji tunela.

Predsjedavajući OV je u ime Općinskog vijeća i u svoje lično ime uputio čestitke katolicima i drugim kršćanima koji su proslavili Božić, pravoslavicima koji će proslaviti Božić, i uputio je svima čestitke za Novu godinu.

Sjednica je završena u 15,00 sati i 35 minute.

T A J N I K

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović